

Нернь олна зүркнд

Гражданск дääнä джилмүд. Эврәннь сä хääгч, Октябрьск революцин зальд бүрддж батрсн шин йосан, угатьнр улан цусан асхдж, хортнас харсдж ноолддж бääх цаг билä. Эн ик чинртä тöрт хальмгин нег эгл үрн Увшин Хаалгъ бийән ик багъасн нерäддж, күчн-чидлән революцин хортнла ноолдлгънд өгсн.

Тегäd чигн 1918 джил арвн дола арä орсн-насандан эн, Аäдрхнä 1-ч красногвардейск полкд эврä сән дурар орсн. Тер джилдән Коммунистическ партин зерглänd орла.

1919 джилин зунар Багъ-Цоохра Мөртä цергин сотнъд взводин командир болдж эн ирв. Тер үнäsн Хальмг Центральн военкомин, оргъдулмудла ноолдлгъна комиссин член, дакад комиссин ахлач болдж кöдлв. Тиигхдән хальмг теегär, Яндгъа - Мацгар, Хошудар болн Хальмг базрар йовдж эгл улс дунд ик цäälгъврин кöдлмш кедж йовсн.

1920 джилин июль сард Увшин Хаалгъ эврәннь сән дурар фронтд йовултха гилж сурад, Дагестанск 13-ч дивизд мөртä цергин полкин комиссарин дарук болдж церглсн.

Гражданск дән төгсснä хöөн Увшин Хаалгъ, ГПУ-н Дагестанск отделд нег анъгинь ахлдж, шишлнъ центрин болн Махач-калан округин уполномоченн болдж бääв.

1925 джил. Увшин Хаалгъ

Хальмг танъгъчдан партийн болн эдл-ахун кöдлмшт йовб. Эн урдклагъан äдл үнн гол седклärн күч-кöлсчнрин зöв харсдж, Хальмгин газрт контрреволюционн толгъачнрта ноолдсн. Тер джилин апрель сард Увшин Хаалгъ, СССР-н Центральн күцäгч комитетин Президиумд болсн, советск тосхлтин туск совещанъд орлцсн. Тер совещанъд Хаалгъ, ямаран эсвär хальмг эгл улсин бääдл-джиргълинъ ясрулхин тускар тодрха кевär келсн болдг.

Дакад болхла коммунист Увшин Хаалгъ, барар дамджулдж классовый хортдла ноолддж, күч-кöлсчнрин сä хääдмн.

Тегäd чигн эн Цугсоюзин селькормудин съездт делегат болдж одсн.

Хöөтк джилмүдтнъ Хаалгъ, Государственн хальмг загъсна болн Аральск (Казахск ССР) загъсна трестсär гардгч кöдлмшт йовла.

Иим үнн гол седклärн күч-кöлсчнрин сä хääдж йовсн Увшин Хаалгъин нернь эндр öдр күртл олна зүркнд. Тегäd чигн

Сармга мөнъгн үлдинъ Сугълад öргдж гилвкүлнä, Шар улан Увшин Хаалгъ Советин төлä зүткнä...

—гидж Хаалгъд,гражданск дәнä джилмүдт гарсн дууг ода бийнъ цугъар дурлдж дуулцхана.

БЕМБИН Тимофей.